



IJWI RY'UBUHANUZI
ISHURI RYA BIBILIYA
MWIPOSTA

B.P. 170

BUJUMBURA

BURUNDI

ICIGWA CA 2.

IMANA YAREMEYE IYI SI ABANA BAYO

Umurongo wo kwibukwa : «Ubwa mbere na mbere Imana yaremye ijuru n'isi.» Itanguriro : 1 : 1.

URWINJIZO.

Mbe woshobora kwiyumvira ivy'igihe isi itaribwabeho? Hatarabaho umuntu, hatarabaho ibikoko, nta giti, nta camera, nta mugezi, nta musozi ? Mbe kuva n'igihe uvukiye, ivyo vyose vyaraho, ariko kandi har'igihe ivyo vyose bitariho ! «Imisozi itaravuka, utararamukwa isi n'ibihugu, uhereye ibihe bidashira, ugashitsa ibihe bidashira, ni wewe Mana.» Zaburi 90 : 2.

1. Mbe isi yaremeshejwe iki ?

Koko hari igihe isi itariho, Gusubira mu Vyagezwe 33 : 27, «Imana ihoraho niyo buhungiro bwave.» Hariho kandi ayandi masi. Ndetse na yo atarabaho, Imana yariho. Kuko dusoma mu Baheburayo 1 : 1, 2, ngo «Imana ... mur'yi misi y'iherez ya-baririye twebwe mu kanwa k'Umwana wayo,... niwe yahaye kurema isi.» Abaheburayo 11 : 3, «Isi yaremwe n'ijambo ry'l-mana.»

Umurongo wacu wo kwibukwa uvuga kw isi yaremwe. Ubu umuntu arashobora gukora ibantu vyinshi bitangaje, ariko ntashobora Kurema bivuga ko ari UGUKORA IKINTU ATACO UKIVANYEMWO. Umwubatsi akoresha ibikoresho, nk'ibiti, amabuye, n'amatafari, n'inkingi, n'urwondo iyo yubaka inzu. Ntiyubaka adafise ibikoresho. Umudozi akoresha urusato, canke ibindi bikoresho agura mw iduka ngw abone umwambaro wiwe. Ntiyowushona adafise ico ashonesha. Ibikoresho vyinshi bikoreshwia ibantu bitangaje ; imiduga, indege, amato agenda mu biyaga, ntiyakozwe bitagize ico bikozwemwo, kandi ibi bikoresho bitari bimwe ntiyaremye ubwavyo, ngo babone umuduga wadutse gusa. Ndetse n'ibantu bikoreshwia, nk'ibitabo, cank'ibirago, cank'inkono, ntiyyizana ubwavyo, ngo babone bibayeho. Umuntu yizera mwen'ivyo bantu bamwita umusazi. Ivyo nivyo Bibiliya ivuga ku bantu bakekeranya yukw ibikoreshwia vyabereyehw icarimwe, maze isi ibaho.

Ni haba hari uwizera ibi bintu vy'ingirakamaro ko vyibeshejeho ubwavyo, hanyuma ngw isi ikabona kubaho, none ivyo biba vyavuye hehe ? Mu cigwa ca 1 twabonyemwo ko. «Igipfu cibwira mu mutima, ngo Nta Mana iriho.» Zaburi 53 : 1.

Imana niyo yaremye iyi si. Yayiremye iyikuye mu busa. Ivyo umuntu yobitahura gute ? Ntabasha kuvyumva, kiretsé kuvyizera gusa. Mbe imbwa yawe cank'impene utunze cank'inkoko, bishobora gutahura uburyo wubaka ? Canke uko utera imbuto mu murima wawe ? Haba n'intete ! kuko atar'umuntu. Ariko n'ubwo bimeze gurtyo, wiybakira inzu yawe canke utera imbuto mu murima wawe. Ibikoko ntibibasha kumenya ibantu vyinshi umuntu akora, ahubwo umuntu ubwiwe ni we abikora. Natwe kandi ntidushobora gutahura neza ibantu vyinshi Imana ikora.

«Kuko vyose bishobokera Imana.» Mariko 10 : 27. «Ibidashobokera abantu bishobokera Imana.» Luka 18 : 27.

None Imana yaremye iyi si iyikuye mu busa ite ? «Isi yaremwe n'ijambo ry'Imana.» Abaheburayo 11 : 3. Mu gice cambere ca Bibiliya dusoma kenshi, ngo « Maze Imana iravuga, iti » hanyuma ivyabaye bikabona kuvugwa.

IMANA DATA WA TWSE YAFATANIJE N'UMWANA NA MPWEMU YERA KUREMA.

2. Umwana yafatanije na Se mu kurema gute ?

«Imana... mur'iyi misi y'iherezo yabaririye twebwe mu kanwa k'Umwana wayo... uwo yahaye kurema isi. «Abaheburayo 1 : 1, 2. Ab'i Kolosayi 1 : 13, - 16, (bivugwa ku Mwana) «Kuko muri we ariho vyose vyaremewe.» Abanyeleso 3 : 9, Imana yaremye ibantu vyose muri Yesu. Iyo dusomye iyo mirongo, tubona ko Yesu yafatanije na Se kurema.

3. Mpwemu Yera na we yafatanije na Data wa twese ate mu murimo wo kurema ?

Itanguriro 1 : 2, «Kandi Mpwemu w'Imana yatambatamba hejuru y'amazi.» Yobu 33 : 4, «Mpwemu w'Imana ni we yanndemye.»

Muri iyi mirongo dusangamwo ko Mpwemu Yera yafatanije na Data wa twese kurema.

ISI YAREMWE MU NDWI IMWE.

4. Mbe ya ndwi Imana yamaze irema isi ni kimwe n'iyi dusanganywe mur'iyi misi ?

Mur'iki gice ca imbere ca Bibiliya dusomamwo ukw isi yaremwe. Itanguriro 1 : 1. Mur'ico gice dusomamwo icagiye kiremwa ku musi ku musi. Kandi tubona ko isi n'ibiri kuri yo vyose vyaremwe mu ndwi imwe. Ubwa mbere haremwe umuco, hanyuma ikirere, hakurikiraho ibiti n'ivyatsi, hanyuma izuba n'ukwezi, ivyaremwe biba mu mazi n'ibiguruka, hanyuma ibikoko, inyuma ya vyose haremwa umuntu. Mu murongo wa 16 w'iki gice dusoma yuko Imana «yaremye n'inyenyeri.»

Abantu benshi bashaka yuko twizera yuko umusi umwe wo kurema wasa n'imyaka imiliyonu myinshi, ariko ivyo ntibishoboka, kuko mw Itanguriro igice ca mbere dusoma icaremwe ku

musi ku musi; hanyuma igikorwa cose carangira, tugasoma ubu busobanuro , ngo «Buragoroba buraca ; uba umusi wa mbere,» burongera buragoroba buraca, uba umusi wa kabiri,» birako-meza biba gurtyo, indwi irarangira. Ivyo bimeze nk'imisi yo mur'iki gihe — umwiza n'umuco.

Nk'ukw Imana yaremye ibibingo n'ivyatsi n'ibiti ku musi wa gatatu, iyo biguma mu mwiza bikamara imyaka imiliyon'i myinshi, ivyo biti n'izo mbingo vyaja kubaho bite ? Umuntu wese yakoze mu murima azi yuko ibiti canke ivyatsi bibaye mu gititu igehe kirekire, biranyoha bikuma ; None se hacura iki vyamye mu mwiza imyaka imiliyon'i myinshi ? Ivyo ntibishoboka na mba.

No ku wa kane Imana yaremye ivyaka bibiri bikomeye ; icaka kinini co kuganza umurango, n'icaka gitoya co kuganza ijoro. (Izuba n'ukwezi). Raba umurongo wa 18. None ni nde yigeze kumva kw izuba ryacanye imyaka miliyon'i myinshi, hanyuma ukwezi na kwo kukava imyaka myinshi gurtyo? Umu-nitu akeneye umuco w'izuba kugira ngw abeho amahoro. Mbe yoshobora kuba mu mwiza akamara imyaka miliyon'i myinshi ? Oya. Ni vyiza rwose kwizera Ijambo ry'Imana gusa nk'uko rivuga, kuruta kwhindurira iviyumviro bitari ivy'ubwenge nk'ivyo. Imisi itandatu ni yo iyi si yatunganijwemwo, imisi ingana n'iyiyi dufise mur'iki gihe.

5. Mbe umuntu yaremwe mu ki ?

abantu benshi bashaka yuko twizera yuko «Umuntu yata-nguye afise imibereho nk'iy'umumero muto, hanyumi agira imigenzo nk'iya kimwe mu bikoko, maze hanyuma y'imyaka imiliyon'i myinshi ca gikoko kigahinduka umuntu.» Ivyo n'iviyumviro bitarimwo ubwenge bw'abantu bizera Imana mw ijambo ryayo. Mbega Bibiliya ivuga iki ? «Imana iravuga , iti Tureme umuntu mw ishusho yacu, ase natwe : nukw Imana irema umuntu mw ishusho yayo.» Itanguriro 1 : 26, 27. Uhoro-ho Imana abumba umuntu mu mukungugu wo hasi, amuhmekera mu mazuru impwemu y'ubugingo ; umuntu aca aba ufise ubugingo.» Itanuriro 2 : 7.

Aho bigereye aha kwizera ivyo biroroshe cane, kuko n'aban'abanyabwenge bazi ivy'umubiri w'umuntu bemera yuko uruvange rw'ibantu nk'ivyo ari rwo ruvamwo ivu, akaba ari vyo bivamwo umubiri w'umuntu.

Mu gice ca kabiri dusomamwo, ngo «Uhoraho Imana ajana wa muntu, amushira mur'iryo tongo ryo muri Edeni, ngw ari-rime arizigame.» Kandi ibwira uwo muntu Adamu ngw agabe «amafi yo mu kiyaga, n'ibiguruka mu kirere, n'ibifise ubugingo vyose bigendagenda kw isi. » Itanguriro 1 : 28.

None har'aho wari bwumve igikoko gifata neza umurima kandi kigategeka ibantu vyose bifise ubwenge ? Oya. Ntabwo umuntu yigeze aba igikoko na gato. Yabaye umuntu kuva i gihe yaremwe.

6. Mbega umugore yaremwe mu ki ?

Mw Itanguriro 2 : 21, 22, dusoma, ngo «Maze Uhoraho Imana asinziriza uwo muntu ubutikoma, arasinzira : amukuramw'urubavu rumwe, ahomeka inyama mu gishingo carwo. Urwo rubavu Uhoraho akuye mur'uwo muntu, arukuramw'umugore.» Hawa.

7. N'iki caremwe ku musi ugira indwi ?

Ubu rero ibimera vyose n'ibikoko n'umuntu vyaremwe mu misi itandatu. None Imana yakoze iki ku musi ugira indwi mw irema ? Ijuru n'isi binonosorwa kuremwa bo n'ibirimo vyose vy'isinzi. Ku musi ugira indwi Imana inonosora ibikorwa vyayo yakoze. Nukw Imana IHEZAGIRA uwo musi w'indwi, IRAWEZA : kukw ariwo Imana YARUHUKIYEKW ibikorwa vyayo vyose, ivyo yaremye kandi yakoze.» Itanguriro 2 : 1—3.

IYI SI IMANA YAYIREMEYE ABANA BAYO.

8. Mbe n'uwwuhe mugambi watumye Imana irema iyi si ?

Uhoreye mu nyigisho ya mbere twize yuko abantu ari abana b'Imana. Ni co gituma umuntu wa mbere yaremwe, yari umwana w'Imana. Yaramubwiye, iti «Nimurondo, mugwire, mwuzu-re isi.» Itanguriro 1 : 28. Imana yari yagennye kw isi yuzura-mw'abana bayo. «Kuk'Uhoraho yaremye ijuru n'isi akayibumba yarayikomeje, ntiyayiremye ngw ibeko ubusa gusa, ariko yayibumvye kugira ngw ibekw abantu.» Yesaya 45 : 18. «Uhoraho Imana atunganya itongo muri Edeni, mu ruhande rw'iburasisazuba : arishiram'ubo muntu yabumvye, ngw ari-riime, arizigame.» Nk'ukw abantu bari kugwira niko n'imrima yari kongerekana.

IVYOKURYA VYAGENEWE UMUNTU.

Itanguriro 2 : 9, «Uhoraho Imana ahameza igiti cose c'igi-kundiro kibereye kuribwa.» Imana rero ishiramw'imbuto z'u-bwoko bwose, Imana yategekanishirije umuntu ikintu cose akeneye comunezereza. Yagomba kw akora uwo murimo wo gufata neza uwo murima, kuko gukora ar'umugisha ku muntu. Umurongo wa 19, n'uwa 20, itubwira ko harimw'inyoni n'ibikoko vy'amoko menshi. N'ukuri Imana yategekanishirije abantu ivyiza.

9. Mbega Imana yanejerejwe n'ukurema iyi si ?

Itanguriro 1 : 31, «Nukw Imana yihweza ivyo yaremye vyose, kandi vyari vyiza cane.» «Mwami wacu. Mana yacu, birakubereye guhabwa uguimbazwa n'icubahiro n'ububasha, kukw ari wewe waremye vyose ; icatumye biremwa nuko wabigomvye.» Ivyahishuwe 4 : 11. Muri Yesaya 43 : 7, «N'umuntu wese yiti-rirwa izina ryanje, uwo naremeye, uwo naremeye icubahiro canje.» Niko Imana yaranezerejwe no kurema isi n'umuntu. Yari yagambiriye k'umuntu azoja ayubaka, akayisenga. Uko abantu bazorondoka, umwana wese azovuka, azovuka aha Imana icubahiro. Umuntu yari guhabwa umunezero nuko yubashe umuremyi. Zaburi 144 : 15, «Hahirwa ihanga rifise Uhoraho kw Imana yaryo.» Zaburi 128 : 1, 2, «Hahirwa uwubaha Uhoraho wese, akagendera mu nzira ziwe. Ibikorwa vy'amaboko yawe bizogutunga, uzonezerwa, uzohirwa.» Mu bice bizokwirikira tuzokwiga uburyo uko guhinduka kwaje. Uko niko tuzi ko Yesu ar'Umwana w'Imana, canke Imana - Umwana.

10. Muri Bibiliya n'ayahc mazina yandi Imana yitwa ?

Imana ifise amazina menshi. Rimwe mur'ayo ni : «Uhoraho, Imana y'ukuri..., Imana nzima.» Yeremiya 10 : 10. Imana iba

mw ijuru. Yesu Umwana wayo akiba mur'iyi si yigishije abighisha biwe gusenga «Data wa twese uri mw ijuru.» Matayo 6 : 9. Intebe yiwe y'ubwami nihw iri. Uhoraho ni we afise intebe mw mire. Zaburi 11 : 4, «Uhoraho, intebe yiwe iri mw ijuru, i Abani 8 : 30, «Ego me koko, aze wame uvuniva uri mw ijuru ah'uba.» N'ubu ntitushobora kusobanukirwa mw ijuru ah'ariho, ico tuzi n'uko ari mw ijuru gusa, hejuru y'isi. Gusubira mu Vyagezwe 4 : 39, «Uhoraho ni we Mana mw ijuru no mw isi ata yindi.»

TURI ABANA B'IMANA.

11. Mbega ukuri gukomeye Bibiliya yigisha kw isano y'abantu n'Imana n'ukuhe ?

Kw Imana ar'Umuremyi ni ngombwa ngw igire abana bayo. Ni bande ? Bari hehe ? Yesu n'Umwana w'Imana. wa Data wa twese, ariko se nta bandi bana ? Yesu yigishije abighisha biwe gusenga, bati «Data wa twese», ubwo bimeze birtyo ni ngombwa kw Imana itubera Data, natwe TURI ABANA BAYO.

Matayo 6 : 9, «Data wa twese uri mw ijuru.» Malaki 2 : 10, «Mbega twese ntidusangiyé Data ? Imana yaturemye s'imwe ?» Yesu yavuye mur'iyi si asubira kwa Se, yabiye umwe mu ntumwa ziwe ati «Ngira nduge kwa Data ari we So, ku Mana yanje ari yo Mana yanyu.» Yohana 20 : 17. Kubwibi tuzi yuko Se wa Yesu ari we Dawe wa twese. Abahyeso 4 : 6, «Imana imwe ni yo Data wa twese.» Yeremaya 3 : 14, «Garuka mwa bantu basubiye inyuma, ni jewe Uhoraho mbivuze.» Imana yiyegeza abana bayo ku rukundo.

12. N'ukube kuhamagara gutangaje Imana ihamagaza abana bayo ?

Zaburi 50 : 15, «Uz'unnyambaze ku musi w'amagorwa, nzogukiza, na we uzompesha icubahiro.» Zaburi 4 : 3, «Uhoraho azonyumva uko ndamatukambiye.» Ni ko turi abana b'Imana, bamwe barayumvira abandi n'abagome, ari bo batemera ko Imana ari yo Se. None ntibivuna umutima w'umuvyeyi wese kumva ko hari umwana wiwe naho yoba umwe yanka kwemera kw ari we se ? Naho uyo muvyeyi yoba afise abana benshi, umutima wiwe uca ushavura yumbise ko uyo mwana yanka kuba uwo mu muryango wiwe. None ntibababaza Imana iyo ibona abana bayo bamwe banka gutegera ko ari yo Se wo mw ijuru ?

Se w'abana wo mw isi anezerezwa n'ukubona abana biwe bavubavugana na we. S'igihe bari mu makuba gusa, ahubwo n'igihe cose. Niko Dawe wa twese wo mw ijuru yishimira abana biwe baganira na we mu munezero wabo wose, no mu bibagora vyose, n'ivo bakeneye. N'ukuri aradufasha, iyo turi mu bitubabaza, ariko iyaba twagira akamenyero ko kuganira nawe uko bukeye n'uko bwije, kuko tumukunda. Ubwo nibwo buryo bwiza tubasha kumvikana na yo. Ituganirira mw ijambo ryayo, no muri Mpewmu Yera, no mu bintu yaremye tubona impande zose. (Soma Zaburi 19 : 1-3).

Yemwe ga ngo Data wa twese aratandukana na vya bishushanyo vyakozwe n'abantu bitumva ntibibone ! None ga musomyi, ntiwokwifusa kubwira Imana nk'uko wasomye mur'iyi nyigisho ivuga yuko Imana ari yo So wo mw ijuru ? Ivo bizonerezza umutima wayo, kuko yagukunze utarayimenya.

I Yohana 4 : 19, «Twebwe tugira urukundo, kukw ari yo yabanje kudukunda.»

ITEGEREZE NEZA : Ukoreshé Bibiliya hamwe n'icigwa. Ikibazo cose gifise INYISHU IMWE GUSA. Wandike X mu kazu k'inyishu y'ukuri. Ntihangire ikintu wandika mu tundi tuzu tubiri dusigaye. Raba akarorero ku kibazo ca 1 c'icigwa ca 1.

IBIBAZO VY'ICIGWA CA 2.

1. Isi yaremeshejwe iki ?

- A. Isi yaremeshejwe intoke z'Imana.
- B. Isi yaremeshejwe Ijambo ry'Imana.
- C. Isi yaremwe n'abamarayika b'Imana.

2. Adamu yaremwe mu ki ?

- A. Adamu yaremwe mu mabuye.
- B. Adamu yaremwe mw Izahabu.
- C. Adamu yaremwe mw ivu.

3. Umugore w'Adamu yavuye hehe ?

- A. Umugore w'Adamu yaremwe mw ivu.
- B. Umugore w'Adamu yaremwe mw igufa ry'umugabo wiwe.
- C. Umugore w'Adamu yaremwe mu bikôko.

4. Adamu yashizwe hehe amaze kuremwa ?

- A. Imana ihejeje kurema Adamu yamushize mu mazi.
- B. Imana ihejeje kurema Adamu yamushize mw isenga.
- C. Imana ihejeje kurema Adamu yamushize mw'itongo rya Edeni.

5. Igikorwa c'Imana-Umwana n'ikihe ?

- A. Imana-Umwana yafashije Data wa twese kurema isi.
- B. Imana-Umwana ntiyashaka kw isi iremwa.
- C. Imana-Umwana yaranse gucungura abari kw isi.

IJWI RY'UBUHANUZI
ISHURI RYA BIBILIYA MW IPOSTA
B.P. 1710 Bujumbura
Burundi.



Izina.....

Ah'uba

